

**XDP**

1918-yil  
21-iyundan chiqqan  
boshlagan

№3, 2023-yil  
25-yanvar,  
chorshanba (32.749)

# Ўзбекистон ОҶОҶИ

Ijtimoiy-siyosiy gazeta

*Barchaga g'amxo'rlik – davlatning burchi*

## ЎЗБЕКИСТОН ПРЕЗИДЕНТИ ДАВЛАТ ТАШРИФИ БИЛАН ҚИРГИЗИСТОНДА БЎЛАДИ

Ўзбекистон Республикаси Президенти Шавкат Мирзиёев Қирғиз Республикаси Президенти Садир Жапаровнинг таклифига биноан 26-27 январь кунлари давлат ташрифи билан Қирғизистонда бўлади.

Икки мамлакат етакчиларининг учрашувлари Бишкек шаҳрида бўлиб ўтади.

Олий даражадаги музокаралар кун тартибидан Ўзбекистон – Қирғизистон дўстлик, яхши кўшничлик ва стратегик шериклик муносабатларини янада мустаҳкамлаш масалалари ўрин олган.

Ўзаро савдони кўпайтириш, саноат кооперацияси дастурларини қўллаб-қувватлаш ва минтақавий инфратузилма лойиҳаларини илгари суришга алоҳида эътибор қаратилади.

Саммит якунида икки томонлама салмоқли ҳужжатларнинг қабул қилиниши кўзда тутилган.

Ў.А.

## ҚОНУН МУАММО ЯРАТМАСЛИГИ КЕРАК

Шу кунларда Қонунчилик палатасида қатор лойиҳалар кўриб чиқилипти. Улар орасида "Ўзбекистон Республикасининг айрим қонун ҳужжатларига тиббиёт тизими раҳбарларининг жамоатчилик олдида ҳисобот бериш тизимини жорий этишга қаратилган ўзгартишлар ва қўшимча киритиш тўғрисида" қонун лойиҳаси муҳокамаларга, баҳсларга сабаб бўлди. Депутатларнинг таъкидлашича, мазкур амалиёт қонунчиликда белгилаб қўйилган. Хўш, қонунларимизда акс этган меъёр нега яна кун тартибига чиқди?

3 САҲИФА

## ЖАЗОЛОВЧИ ЭМАС, ҲИМОЯЧИ ВА КЎМАКЧИ

Ички ишлар органларидаги барча ислохотлар тизимни халқчил профессионал тузилмага айлантириш ва аҳоли билан янада яқин ҳамкорликда ишлашга йўналтирилмоқда

Энди бевосита қарорнинг мазмунига тўхталадиган бўлсак, "Ички ишлар органларининг касбий маданият ва хизмат интизоми кодекси" ички ишлар органлари тарихида илк бор қабул қилинмоқда. Унга қадар фаолиятимизда фақат "Ички ишлар органларининг интизом устави"га амал қилиб келинган.

Ушбу уставнинг асосий предмети ходимларни рағбатлантириш ва интизомий жазолаш фаолиятини тартибга солишдан иборат бўлган. Янги қабул қилинган кодекс ходимларни маънавиятли, садоқатли, халқпарвар этиб тарбиялаш, уларда ҳалоллик, юқори масъулият ҳамда одоб-ахлоқ нормаларига сўзсиз риоя этиш ҳиссини шакллантириш, ноҳўя ҳаракатлар ва коррупцион ҳолатларнинг олдини олишга қаратилган.

5 САҲИФА



# ФРАКЦИЯ ДАСТУРИГА СОДИҚ



ДОЛЛАР КУРСИ ЎСИШИ  
ХАВОТИРЛИМИ?

6 САҲИФА



ПИЁЗ. ҚИММАТ БЎЛСАЯМ,  
АРЗОН БЎЛСАЯМ — ЁМОН

7 САҲИФА



ССВ: тез тиббий ёрдам  
машиналарининг навбатдаги  
партияси ҳудудларга топширилди

Республика тез тиббий ёрдам маркази автобазаси 110 та "Volkswagen Caddy" русумли сўнгги авлод тез тиббий ёрдам машиналари билан бойиди.

Соғлиқни сақлаш вазирлиги тизимида эскирган автотранспорт воситаларини босқичма-босқич замонавийларига алмаштириш ишлари олиб борилмоқда.

Хусусан, "103" хизматида 2938 донга "Тез ёрдам" машинаси бўлиб, шундан 648 таси ёки 22 фоизи норматив ҳужжатларга асосан янгиланишга муҳтож.













